



**IV GOVERNO CONSTITUCIONAL
MINISTÉRIO DA JUSTIÇA
GABINETE DA MINISTRA**

**NOTA INFORMATIVA BÁ KOMUNIKASAUN SOSIAL
(Konferênsia Imprensa nian)**

Haré bá rumor sira nebe'e mak namkari bá-mai konabá mandatu *Sua Excelência* Señora Ministra Justisa nian, Dra. Lúcia Lobato, Ministériu Justisa hakarak informa katak :

- 1) *Sua Excelência* Señora Ministra Justisa, nebe'e envolve iha prosesu judisiál, prosesu ida nebe'e mosu mai husi tinan 2008, iha momentu nia hala'o hela nia knar. Iha akuzasaun kontra nia konabá Korupsaun, Abuzu Poder nian nó Administrasaun Danoza (*administrasaun ulun-ain*). Hahú husi data ida nebé, sem iha hipótese hodi defende iha fatin ida lolós - tribunál sira, Señora Ministra Justisa sai tiah alvo husi inkriminasaun fantazioza sira (*lahun-ladikin*) iha ema barak nia let nó iha órgaun komunikasaun sosial barak nia let.
- 2) Hahú husi ne'e, hó sentidu síviku nó responsabilidade bá nia knar nebe'e ejije tebes nia, nia rásik lakoi fó komentáriu konabá situasaun nebé nia hasoru, hodi hein deit bá audiênsia husi julgamentu bá nia defeza rásik. Hó atitude ida ne'e rásik, nia buka atu asegura independênsia nebe'e tribunál sira tenke iha, buat ida nebe'e nia halo atu kontribui bá apuramentu lia-lós ida nebe'e tuir nia dalan. Hatutan mós katak, bainhira bolu nó husu nia bá hatán, *Sua Excelência* Señora Ministra Justisa sempre kolabora hó Ministériu Públiku, fatin nebé hala'o investigasaun, fatin nebé nia bá hatán inkéritu internu oin-oin konabá matéria ida nebe'e fó-sai ona iha leten.
- 3) *Sua Excelência* Señora Ministra Justisa, hanesan iha prosesu ne'e hotu, laós deit sai núdar parte nebe'e prejudikada tebes (*husi buat ladiak sira nebe'e hafoer nia imajem hó nia naran diak, nebe'e provoka husi manipulasaun hanoin públiku nian*), maibé núdar mós parte ida nebe'e iha interese tomak bá apuramentu lia-lós nó lori hakotu lalais prosesu judicial ida ne'e rásik.
- 4) Iha loron 14 fulan Marsu liu bá, iha ona agenda bá sesaun dahuluk husi julgamentu iha Tribunál Distrital Dili nian. Konstituisaun RDTL



**IV GOVERNO CONSTITUCIONAL
MINISTÉRIO DA JUSTIÇA
GABINETE DA MINISTRA**

rásik hatete sai lolós ona, *hanesan hakerek iha nia artigu 113º* , katak, terinetik julgamentu husi membru Governu sira, bainhira sei dauk suspende sira nia knar. Ita haré didiak katak buat ida ne'e laós tuir *Sua Excelência* Señora Ministra nia vontade rásik, se karik buat ne'e depende bá nia, nia rásik hit-an bá hatán iha Tribunál ona.

- 5) Tuir explikasaun iha leten, *Sua Excelência* Señora Ministra Justisa laiha duni possibilidade atu marka nia prezensa iha Tribunál hanesan buat nebe'e nia hakarak, tambá Parlamentu Nasionál la to'o atu bele halibur hamutuk tambá falta kuórum nebe'e ejije tuir lei haruka.
- 6) Possibilidade husi resignasaun bá nia funsaun rásik, nebe'e lori husi lia-anin bar-barak iha semana rua resin nia laran, bele sai dalan ida nebe'e posível, maibé iha ne'e duni, mosu buat nebe'e la klaru bá nia atu asumi nia responsabilidade sira, halo ke *Sua Excelência* Señora Ministra Justisa, fiar-an katak nia hahalok sira ne'e sei tuir hela buat nebe'e lei hatete, nune'e nia rásik la admiti. Aproveita mós atu koalia hasoru *informasaun nebe'e lahun-ladikin* hodi temi bebeik karta resignasaun husi kargu Ministra Justisa nian, karta ida nebe'e haruka ona bá *Sua Excelência* Señor Primeiro-Ministro.
- 7) Kontinua nafatin hala'o nia knar, *Sua Excelência* Ministra Justisa iha loron 20 fulan Marsu, *liu husi dalan ida nebe'e la ofisiál*, nia simu informasaun katak Parlamentu Nasionál aprova tiah ona Rezolusaun ida (*Rezolusaun 87/II, loron 20 fulan Marsu*) katak suspende nia husi nia knar núdar Ministra Justisa. Hafoin hala'o sorumutu hó Deputadu sira husi Partido Social Democrata, *Sua Excelência* Señora Ministra Justisa, hetan ona koñesimentu katak rezolusaun ne'e produz "*efeitos imediatos*" (*tenke ser hala'o kedas ona*).
- 8) Hó nune'e laiha possibilidade atu komparese iha Tribunál iha loron 14 fulan Marsu liu bá, maka koletivu (*Juiz nain tolu*) agenda fali audiênsia foun iha loron 23 fulan Maiu, *buat nebe'e hanoin nanis ona*, haré katak iha mós rezolusaun husi Parlamentu Nasionál, nó suspensaun ne'e besik kedas iha fulan rua nia laran, buat ida mak la kumpre objetivu fundamental husi "*prosseguimento dos autos*" (oinsá hala'o bá oin auto hirak ne'e).



**IV GOVERNO CONSTITUCIONAL
MINISTÉRIO DA JUSTIÇA
GABINETE DA MINISTRA**

- 9) Haré husi realidade sira nebe'e hato'o ona iha leten, *Sua Excelência* Señora Ministra Justisa, hatudu-sai nia hakfodak bá iha prosesu ne'e hotu, hanesan nia dehan ona iha leten katak hafoer nia naran hó nia reputasaun.
- 10) *Sua Excelência* Señora Ministra Justisa husu hó makás atu hadók politizasaun husi prosesu judisiál nebe'e nia sai núdar arguida, nia lamenta mós bá setór oin-oin iha sosiedade timorensa sira nebe'e aproveita mós hó situasaun polítika ida neé. Ita bele haré katak ida ne'e laós koincidênsia husi situasaun ida nebe'e sae makás iha lós momentu besik ona bá período eleitoral, nó tutan mós husi Governu nia vitória polítika, hafoin Parlamentu Nasionál aprova tiah Lei konabá Rai.
- 11) Pozisaun husi atór polítiku oin-oin, ita hotu hatene iha relasaun hó diploma fundamental sira, nó tamba koincidênsia, se nune'e duni ka lae karik, laós ema seluk, ema sira ne'e duni mak utiliza kargu polítiku bá sira nia proveitu rásik, ou bá sira nia kor partidária sira hodi provoka situasaun hotu halo nakdoko instituisaun sira, hanesan buat nebe'e ita haré dadauk ne'e.
- 12) *Sua Excelência* Señora Ministra Justisa hatete dala ida tan, hanesan nia hatete bebeik ona, katak nia kumpre nia knar iha kumprimentu makás tebes nia laran, bá lealdade polítiku-institusionál nebe'e kesi-metin nia núdar membru husi Governu AMP nian, núdar mós sentidu étiku forte ida nebe'e haré núdar dever atu lori bá dalan lós hahalok polítika nian, sai hanesan buat ikus ida nebe'e diak tebes duni bá nia sidadaun maluk sira.
- 13) *Sua Excelência* Señora Ministra Justisa hakarak mós hatudu-sai nia solidariedade hó nia sentidu respeito tomak tambá *Sua Excelência* Señor Primeiro-Ministro, nebe'e sai mós alvo husi presaan polítika mak forte tebes atu hadok *Sua Excelência* Señora Ministra Justisa husi knar nebe'e nia hala'o hela dadauk. *Sua Excelência* Señora Ministra Justisa iha hanoin tebes atu públiku sira hatene katak kargu nebe'e nia okupa dadauk ne'e, hanesan kargu husi polítika konfiansa nebe'e iha nia liman laran hahú husi minutu dahuluk kedas, polítika konfiansa ida nebe'e tuir *Sua Excelência* Señor Primeiro-Ministro hó



**IV GOVERNO CONSTITUCIONAL
MINISTÉRIO DA JUSTIÇA
GABINETE DA MINISTRA**

sentidu Estadu nian hakarak haré oinsá situasaun ida ne'e bele hakotu liu husi poder judisiáriu, hodi haklaken dala ida kedas Señor Primeiro-Ministro nia konfiansa tomak iha setór Justisa, temi lolós iha Tribunál sira.

Dili, loron 27 fulan Marsu 2012.